



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: _____/14
Datum: _____ 2015. godine

" PRIJEDLOG "

Na osnovu člana 7. i 68. Zakona o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14 i 8/15) i člana 14. Statuta Općine Tešanj ("Službeni glasnik Općine Tešanj" broj:11/07) Općinsko vijeće Tešanj na svojoj ___ sjednici održanoj dana _____ godine, donijelo je

**ODLUKU
O IZMJENAMA I DOPUNAMA
ODLUKE O IZVRŠAVANJU BUDŽETA OPĆINE TEŠANJ ZA 2015. GODINU**

Član 1.

U Odluci o izvršavanju Budžeta Općine Tešanj za 2015. godinu ("Službeni glasnik Općine Tešanj", broj: 11/14), u okviru odjeljka IV - IZVRŠAVANJE BUDŽETA, u članu 21., iza pasusa 5. dodaje se novi pasus 6. koji glasi:

"Sredstva utvrđena na poziciji "Projekt uređenja Titove ulice i Ulice 1. marta" utrošit će se po okončanju gradnje kanalizacionih kolektora u zoni navedenih ulica, a prema ranije definisanoj prostorno planskoj dokumentaciji kojom se ova zona privodi krajnjem uređenju i namjeni."

Član 2.

U okviru odjeljka V – ZADUŽENJE I GARANCIJA, član 26. se mijenja tako da glasi:

"Općina Tešanj će za 2015. godinu izvršiti povlačenje dijela kreditnih sredstava po Ugovoru sa Ministarstvom finansija Federacije BiH iz sredstava EIB-a, za potrebe realizacije projekta prikupljanja, odvodnje i prečišćavanja otpadnih voda na području općine Tešanj do visine od 1.200.000 KM.

Općina Tešanj će za 2015. godinu obezbijediti dodatno kreditno zaduženje kod komercijalne banke unutar BiH za realizaciju Projekta uređenja Titove ulice i Ulice 1. marta u ukupnoj visini od 510.000 KM. U okviru Budžeta će se izdvojiti sredstva od 105.000 KM za servisiranje duga tokom 2015. godine.

Iz Budžeta Općine je odobrena garancija za kreditno zaduženje JP Toplana d.d. Tešanj u ukupnoj visini od 600.000 KM, čime se Budžet Općine za 2015. godinu opterećuje za rezervaciju u visini od 100.000 KM."

Član 3.

Sve ostale odredbe Odluke ostaju nepromijenjene.

Član 4.

Ova Odluka stupa na snagu objavljivanjem u "Službenom glasniku Općine Tešanj", a primjenjivat će se na budžetsku 2015. godinu.

**PREDSJEDAVAJUĆI
OPĆINSKOG VIJEĆA
Senad N. Subašić, dipl.oec.**

O b r a z l o ž e n j e:

I PRAVNI OSNOV:

Pravni osnov za donošenje Odluke o izvršavanju Budžeta Općine je sadržan u članu 7. i 68. Zakona o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14 i 8/15).

II RAZLOG ZA DONOŠENJE:

Zakonom o budžetima u Federaciji Bosne i Hercegovine definisano je da Općinsko vijeće uz budžet donosi i odluku o izvršavanju budžeta, kao i da se odlukom o izvršavanju budžeta određuju iznosi novih zaduživanja u skladu sa utvrđenom gornjom granicom zaduživanja, kao i obaveze iz osnova tekućih otplata duga.

Kako je u predloženim izmjenama i dopunama Budžeta za 2015. godinu došlo do izmjene visine zaduženja sa strukturom istih, kao i povrata kredita, neophodno je izvršiti i gore navedene izmjene. Na taj način se stiču uslovi za donošenje odluke o planiranom kreditnom zaduženju.

OBRAĐIVAČ:
SLUŽBA ZA FINANSIJE, PRIVREDU
KOMUNALNE I INSPEKCIJSKE POSLOVE
Hamzalija Hojkurić, dipl.oec.

PREDLAGAČ:
OPĆINSKI NAČELNIK
Mr. Sc. Suad Huskić, profesor

Broj: 02-02-1-2337-6/14
Datum: 08.06. 2015. godine